



SIUMUT INATSISARTUNI ILAASORTAATITAT / LANDSTINGSGRUPPEN

Inatsisartut suleriaasiat § 37 immikkoortoq 1 naapertorlugu Naalakkersuisunut imaattumik apeqqu-teqarniarpunga.

Naalakkersuisunut Apeqqut:

Sanaartornerup iluani suliffeqarfiit angisuut nunattalu avataaneersut pinngitsooratik ilinniartuuteqartarnissaannik ilinniartuuteqarnerusalernissaannilluunniit Naalakkersuisut sukateriniarnerlutik periarfissanilluunniit pitsanngorsaaniarnerlutik?

(Inatsisartuni ilaasortaq Malik Berthelsen, Siumut)

Tunngavilersuut:

2010-imi Sanaartornermut ilinniarfimmud ilinnialerumallutik akuerineqarsimasunit 230-usunit taamaallaat 56-it praktikkerfissaminnik pissarsisinnaasimapput, sinneri 174-it praktikkerfissaqanngitsut.

Politikerit uagut inuusortatta ilinniagaqarnissaannik piunasaqarniarutta isumaqarpunga immitsinnut qiviaqqaartariaqartugut aperalutalu qanoruna isilluta tamatumunnga ajornartorsiut qaangerniaripput?

Ukiakkut ataatsimiinnermi UKA 49-imi ajornartorsiut tamannarpiaq pillugu apeqquaqartoqarpoq erseqqissumilli tigussaasumillu qanoq iliuusissamik neriorsuisoqaranilu suliniutissamik ersittoqanngilaq. Taamaallaat **neriuutigineqaannarpoq** Inuutissarsiutinik ilinniarfiit 1.januar 2011-imi pisortat suliffeqarfiutaattut imminnut oqartussaaffigisuttut ingerlalerunik ajornartorsiutip qaangernissanut sulinarneq pitsaanerulerumaartoq.

Tamannarpiaq aamma pillugu aasaanerani isumasioqatigiittoqarnerni uparuarneqarpoq suliffeqarfiit anginerusut avataaneersullu suliffeqarfiit mikisutulli ilinniartoqartigineq ajortut.

Ajornartorsiut qaangerniarutsigu suliffeqarfiit anginerusut avataaneersullu pinngitsooratik nunatsinnut ilinniartitaanikkut suleqataanissaannut pisussaaffilerneqartariaqartutut isumaqarpunga. Tassami nunarput aningaasarsiorfiginiarunikku aamma illuatungaartigut nunatsinnut pilliuteqartariaqarput.

Akineqarnissannut qilanaarlunga neriutigaara tigussaasunik qanoq iliuuseqarnissamut takussutissamik akissutissarsiumaarlunga.